

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

8/98

31.7.1998. godine

SLUŽBENI GLASNIK IZDAJE:

Služba Općinskog vijeća Zavidovići

ODGOVORNI UREDNIK:

Hajrudin Katardžić, dipl.prav.

I - AKTI OPĆINSKOG VIJEĆA

- 689 -

Na osnovu člana 3. Statuta općine Zavidovići ("Službeni glasnik općine Zavidovići", broj 1/98), Općinsko vijeće Zavidovići, razmatrajući Prijedlog odluke o određivanju i obilježavanju značajnijih datuma i događaja iz odbrambeno-oslobodilačkog rata u općini Zavidovići, na 9. sjednici održanoj dana 11.7.1998.godine, donosi

O D L U K U

o određivanju i obilježavanju značajnijih datuma i događaja iz odbrambeno-oslobodilačkog rata u općini Zavidovići

Član 1.

Odlukom o određivanju i obilježavanju značajnijih datuma i događaja iz odbrambeno-oslobodilačkog rata u općini Zavidovići (u daljem tekstu: Odluka), određuju se značajniji datumi i događaji, način obilježavanja, način finansiranja kao i nosioci aktivnosti na obilježavanju.

Član 2.

I - ZNAČAJNIJI DATUMI I DOGAĐAJI

Kao značajniji datumi i događaji iz odbrambeno-oslobodilačkog rata u općini Zavidovići, određuju se:

1. 14.4.1945. - dan oslobođenja općine od fašizma = 1941.-1945.god.
2. 18.5.1992. - obilježavanje pogibije Mustafić (Nail) Jusufa, prve žrtve odbrambeno-oslobodilačkog rata
3. 29.5.1992. - odbrana Smilbašića,
4. 10.6.1992. - oslobađanje planine Klek,
5. 25.6.1992. - odbrana Sljivića i Osječana,
6. 13.7.1992. - oslobađanje Naselja 2.km i odbrana Lovnice,
7. 23.11.1992. - oslobađanje Vrlaje,
8. 4.12.1992. - oslobađanje reona Gostović,
9. 19.12.1992. - formiranje ratnih jedinica
10. 6.1.1993. - početak izdavanja lista "Zrno",
11. 24.6.1993. - odbrana Zavidovića od združenog agresora,
12. 25.6.1993. - formiranje Ratne bolnice,
13. 23.1.1994. - oslobađanje Varde,
14. 5.2.1994. - odbrana Zelenog kamena,
15. 16.6.1994. - oslobađanje Šuplje bukve,
16. 26.6.-30.6.1994. - odbrana Kote 715,
17. 27.5.1995. - oslobađanje Podsjelova,

- 690 -

19. 10.9.1995. - oslobađanje Vozuće,
20. 15.9.1995. - oslobađanje Vlizne
21. 15.9.1995. - oslobađanje općine - Dan općine,

Član 3.

II - NAČIN OBILJEŽAVANJA ZNAČAJNIJIH DATUMA I DOGAĐAJA

Sljedeći značajniji datumi i događaji iz člana 2. Odluke obilježavat će se na području cijele općine:

1. 14.4.1945. - oslobađanje općine od fašizma,
2. 29.5.1992. - odbrana Smailbašića,
3. 4.12.1992. - oslobađanje reona Gostović
4. 19.12.1992. - formiranje ratnih jedinica,
5. 24.6.1993. - odbrana Zavidovića
6. 26.6.-30.6.1994. - odbrana Kote 715,
7. 10.9.1995. - oslobađanje Vozuće

Centralna manifestacija povodom 15.9.1995., dana oslobodenja općine, održat će se u Rujnici.

Centralna manifestacija povodom 29.5.1992., odbrana Smailbašića, održat će se u Krivaji.

Centralna manifestacija povodom 4.12.1992., oslobađanje reona Gostović, održat će se na području Gostovića.

Centralna manifestacija povodom 19.12.1992., formiranje ratnih jedinica, održat će se u Zavidovićima.

Centralna manifestacija povodom 24.6.1993. odbrana Zavidovića, održat će se u Zavidovićima.

Centralna manifestacija povodom 26.6.-30.6.1994., odbrana Kote 715, održat će se u Pašin konacima.

Centralna manifestacija povodom 10.9.1995., oslobađanje Vozuće, održat će se u Vozućoj.

Član 4.

Komisija iz člana 5. Odluke svojim će planom i programom utvrditi način obilježavanja značajnijih datuma i događaja iz člana 2. ove odluke.

Član 5.

Općinski načelnik rješenjem će imenovati Komisiju za obilježavanje značajnijih datuma i događaja iz odbrambeno-oslobodilačkog rata u općini (u daljem tekstu: Komisija), u novembru tekuće godine.

Komisija iz stava 1. ovog člana dužna je u roku od 30 dana od dana imenovanja ponuditi Općinskom načelniku plan i program obilježavanja značajnijih datuma i događaja iz člana 3. Odluke.

- 691 -

Saglasnost na ponudeni plan i program daje Općinski načelnik u roku od narednih 30 dana.

Član 6.

Komisiju iz prethodnog člana čine predstavnici:

1. Udruženja građana "Zlatni ljiljani",
2. Udruženja građana Organizacije porodica šehida i poginulih boraca općine Zavidovići,
3. Udruženja građana Ratnih vojnih invalida "Zavidovići '92.",
4. Udruženja građana Jedinstvene organizacije boraca,
5. Vojske Federacije BiH sa područja općine Zavidovići,
6. Općinskog sekretarijata za boračko-invalidsku zaštitu, raseljena lica i izbjeglice,
7. Općinskog sekretarijata za društvene djelatnosti i opću upravu,
8. Policijske uprave Zavidovići i predstavnici drugih općina koje su imale svoje jedinice u odbrani i oslobađanju općine Zavidovići.

Komisija može, na vlastitu inicijativu, u svoj rad uključiti i predstavnike mjesnih zajednica općine Zavidovići, predškolskog, osnovnog i srednjeg obrazovanja i preduzeća.

Član 7.

Komisija će najmanje jedanput godišnje podnositi izvještaj o provođenju ove odluke Općinskom vijeću Zavidovići.

Član 8.

Sredstva za rad Komisije i za obilježavanje značajnijih datuma i događaja obezbijedit će se iz budžeta općine Zavidovići, donacija i drugih izvora predviđenih zakonom.

Član 9.

Odluka stupa na snagu prvog narednog dana od dana objavljivanja u "Službenom glasniku općine Zavidovići."

OPĆINA ZAVIDOVIĆI
- OPĆINSKO VIJEĆE -

Broj: 01-023-23

Datum, 11.7.1998.godine

PREDSJEDAVAJUĆI
OPĆINSKOG VIJEĆA

Doc.dr Refik Čatić, s.r.

Na osnovu člana 3. i 7. Statuta općine Zavidovići ("Službeni glasnik općine Zavidovići", broj 1/98), Općinsko vijeće Zavidovići na 10. sjednici održanoj 30.7.1998.godine, donijelo je

ODLUKU

o grbu i zastavi općine Zavidovići

Član 1.

Ovom odlukom određuje se oblik grba i zastave općine Zavidovići.

Član 2.

Grb općine Zavidovići je štitastog oblika oivičen zlatnom bojom. Na gornjoj polovini grba na podlozi plave boje u trokutu zlatne boje nalazi se crnogorično drvo zelene boje.

U donjoj polovini grba, na zelenoj podlozi nalazi se most zlatne boje ispod koga u plavoj boji predstavljene tri rijeke.

Član 3.

Zastava općine Zavidovići je pravougaona trobojnica horizontalno podijeljena na tri dijela i to: gornja polovina je zelene boje, srednji dio je bijele boje i zauzima dvije šestine ukupne širine zastave, donji dio je crven i zauzima jednu šestinu ukupne širine zastave.

Na sredini dužine zastave nalazi se grb općine Zavidovići utvrđen u članu 2. ove odluke koji svojim gornjim dijelom ulazi u jednu trećinu zelene boje, prostire se preko čitave širine bijele boje i vrhom ulazi u jednu četvrtinu širine crvene boje.

Odnos širine i dužine zastave je 1:2.

Član 4.

Likovno rješenje kao likovno-grafički standard i katalog boja za izradu grba i zastave općine Zavidovići su sastavni dio ove odluke.

Član 5.

O upotrebi grba i zastave općine Zavidovići donijet će se posebna odluka.

Član 6.

Ova odluka stupa na snagu danom donošenja i bit će objavljena u Službenom glasniku općine Zavidovići.

Član 7.

Stupanjem na snagu ove odluke, prestaje važiti Odluka Skupštine opštine koja je regulisala pitanje grba i zastave.

OPĆINA ZAVIDOVIĆI

- OPĆINSKO VIJEĆE -

Broj: 01-023-48/98

Datum, 30.7.1998.godine

PREDSJEDAVAJUĆI
OPĆINSKOG VIJEĆA

Doc.dr Refik Čatić, s.r.

Na osnovu člana 167. i 92. Zakona o bezbjednosti saobraćaja na putevima ("Službene novine Zeničko-dobojskog kantona", broj 13/97) i člana 3. Statuta općine Zavidovići, Općinsko vijeće Zavidovići, na 10. sjednici od 30.7. 1998. godine, donijelo je

ODLUKU

o izmjenama i dopunama Odluke o bezbjednosti saobraćaja na putevima općine Zavidovići

Član 1.

U Odluci o bezbjednosti saobraćaja na putevima općine Zavidovići ("Službeni glasnik općine Zavidovići", broj 7/96, 10/96 i 9/97), član 3. mijenja se i glasi:

"Član 3.

Ulica sa prvenstvom prolaza za sva vozila su:

- Ulica Zlatnih ljiljana,
- ulica dr. Pinkasa Bandta,
- ulica Patriotske lige u odnosu na ulicu Safvet Bega Bašagića i ulicu Proleterska,
- ulica Husein Kapetana Gradaševića u odnosu na ulicu Patriotske lige,
- ulica Narodnog fronta,
- ulica Dragovački put u odnosu na ulice Abdul Vehaba Ilhamije i Naselje solidarnosti,
- ulica 8. marta,
- Radnička ulica u odnosu na ulicu Kjafige Pruščaka.

Ulice iz prethodnog stava obilježiti odgovarajućim saobraćajnim znakovima."

Član 2.

Član 4. - briše se.

Član 3.

U članu 10. stav 2. mijenja se i glasi:

"Parkiranje svih vozila na parkiralištu iz prethodnog stava obavlja se uz naknadu".

Iza stava 2. dodaju se stavovi 3. i 4. koji glase:

"Parkiralište iz prethodnog stava dodjeljuje se JKP "Radnik" na upravljanje koje ujedno vrši i naplatu parkiranja.

Visinu naknade za parkiranje određuje JKP "Radnik" uz saglasnost izvršnog organa općine."

- 694 -

Član 4.

Član 16. mijenja se i glasi:

"Početna obuka u upravljanju motornim vozilom i traktorom može se vršiti samo na uređenom poligonu koji ispunjava propisane uslove i za koji je data upotrebnna dozvola ili na parkiralištu Sportske dvorane "Sutjeska".

Iza stava 1. dodaje se novi stav 2. koji glasi:

"Početna obuka u upravljanju motornim vozilom i traktorom na parkiralištu Sportske dvorane "Sutjeska" može se obavljati najduže do jedne godine po stupanju na snagu ove odluke."

Član 5.

Član 18. - briše se.

Član 6.

Stupanjem na snagu ove odluke prestaju da važe sve odluke i rješenja kojima se dozvoljava početna obuka kandidata za vozače motornih vozila na prostoru ispred Sportske dvorane "Sutjeska".

Član 7.

Ova odluka stupa na snagu prvog narednog dana od dana objavljivanja u "Službenom glasniku općine Zavidovići."

OPĆINA ZAVIDOVIĆI

- OPĆINSKO VIJEĆE -

Broj: 01-023-9

Datum, 30.7.1998.godine

PREDSJEDAVAJUĆI
OPĆINSKOG VIJEĆA

Doc.dr Refik Čatić, s.r.

- 695 -

Na osnovu člana 7. stav 2. odluke o utvrđivanju komunalne naknade za finansiranje komunalnih djelatnosti zajedničke potrošnje u općini Zavidovići ("Službeni glasnik općine Zavidovići", broj 2/97) i člana 3. Statuta općine Zavidovići, Općinsko vijeće Zavidovići na 10. sjednici od 30.7.1998.godine, donijelo je

O D L U K U

o davanju saglasnosti na zaključak Općinskog načelnika
o utvrđivanju vrijednosti boda za finansiranje komunalne
zajedničke potrošnje

Član 1.

Daje se saglasnost na zaključak Općinskog načelnika broj 01-371-121 od 22.7.1998.godine o utvrđivanju vrijednosti boda za finansiranje komunalne zajedničke potrošnje.

Član 2.

Odluka stupa na snagu danom donošenja, a objavit će se u "Službenom glasniku općine Zavidovići."

OPĆINA ZAVIDOVIĆI
- OPĆINSKO VIJEĆE -

Broj: 01-023-49

PREDSJEDAVAJUĆI
OPĆINSKOG VIJEĆA

Doc.dr Refik Čatić, s.r.

Na osnovu člana 7. Odluke o utvrđivanju komunalne naknade za finansiranje komunalnih djelatnosti zajedničke potrošnje u općini Zavidovići ("Službeni glasnik općine Zavidovići", broj 2/97) i člana 5. Statuta općine Zavidovići ("Službeni glasnik općine Zavidovići", broj 1/98), Općinski načelnik dana 22.7.1998.godine, donio je

Z A K L J U Č A K

I

Vrijednost boda na osnovu kojeg se utvrđuje visina komunalne naknade za finansiranje komunalnih djelatnosti zajedničke potrošnje u općini Zavidovići, utvrđuje se u iznosu:

- za sve vrste prostora 0,002 KM

II

Zaključak stupa na snagu danom davanja saglasnosti od strane Općinskog vijeća, a naknadno će biti objavljen u "Službenom glasniku općine Zavidovići".

OPĆINA ZAVIDOVIĆI
- OPĆINSKI NAČELNIK -

Broj: 01-321-121
Datum, 22.7.1998.godine

OPĆINSKI NAČELNIK
Z A V I D O V I Ć I

Husein Zilkić, dipl.ing.maš.

O b r a z l o ž e n j e

Odlukom o utvrđivanju komunalne naknade za finansiranje komunalnih djelatnosti zajedničke potrošnje u općini Zavidovići u članu 7. je propisano da vrijednost boda utvrđuje općinski načelnik za korisnu površinu stambenog, poslovnog i proizvodnog prostora. Istom ovom odlukom određeno je da visina komunalne naknade po jedinici mjere izgrađene korisne površine stambenog, proizvodnog i poslovnog prostora za jedan mjesec izražene u bodovima po zonama i vrstama objekata utvrđuje se shodno Odluci i izmjenama i dopunama Odluke o građevinskom zemljištu.

- 697 -

Obzirom da bi se stvorili uslovi za vršenje naplate ove naknade bilo je neophodno utvrditi vrijednost boda kao osnove po kojoj se utvrđuje visina komunalne naknade, te kako bi se ostvarila neophodna sredstva, koja bi se koristila u skladu sa utvrđenim programom za obavljanje komunalne djelatnosti zajedničke potrošnje.

Naplaćena sredstva po osnovu ove naknade koristila bi se isključivo za finansiranje komunalne djelatnosti zajedničke potrošnje (održavanje i obnavljanje objekata i uređaja zajedničke komunalne potrošnje).

Imajući u vidu naprijed navedeno, predlaže se da se donese Zaključak u predloženom tekstu.

Prema prijedlogu ovog zaključka o utvrđivanju vrijednosti boda komunalne naknade, a shodno Odluci o izmjenama i dopunama Odluke o građevinskom zemljištu, zaduženja po 1 m² ovisno o vrsti prostora i zoni u kojoj se prostor nalazi iznosila bi:

A) STAMBENI PROSTOR

ZONE	BROJ BODOVA		VRIJEDNOST BODA		1 m ²
1. Prva "A" zona	40	x	0,002	=	0,08 KM
2. Prva "B" zona	30	x	0,002	=	0,06 KM
3. Druga zona	20	x	0,002	=	0,04 KM
4. Treća zona	10	x	0,002	=	0,02 KM

B) INDUSTRIJSKO-SAOBRAĆAJNI PROSTOR

ZONE	BROJ BODOVA		VRIJEDNOST BODA		1 m ²
1. Prva "A" zona	60	x	0,002	=	0,12 KM
2. Prva "B" zona	40	x	0,002	=	0,08 KM
3. Druga zona	30	x	0,002	=	0,06 KM
4. Treća zona	20	x	0,002	=	0,04 KM

C) POSLOVNI PROSTOR (razvrstan po grupama djelatnosti u tabelarnom prikazu Odluke o građevinskom zemljištu)

I - VRSTA DJELATNOSTI	BROJ BODOVA		VRIJEDNOST BODA		1 m ²
1. Prva "A" zona	500	x	0,002	=	1 KM
2. Prva "B" zona	400	x	0,002	=	0,8 KM
3. Druga zona	200	x	0,002	=	0,4 KM
4. Treća zona	100	x	0,002	=	0,2 KM

II - VRSTA DJELATNOSTI	BROJ BODOVA		VRIJEDNOST BODA		1 m ²
1. Prva "A" zona	350	x	0,002	=	0,7 KM
2. Prva "B" zona	210	x	0,002	=	0,42 KM
3. Druga zona	150	x	0,002	=	0,3 KM
4. Treća zona	80	x	0,002	=	0,16 KM

III - VRSTA DJELATNOSTI	BROJ BODOVA		VRIJEDNOST BODA		1 m ²
1. Prva "A" zona	200	x	0,002	=	0,4 KM
2. Prva "B" zona	150	x	0,002	=	0,3 KM
3. Druga zona	100	x	0,002	=	0,2 KM
4. Treća zona	50	x	0,002	=	0,1 KM

S E K R E T A R

Šibonjić Muhamed, dipl.prav., s.r.

- 698 -

Na osnovu člana 57. stav 3. Zakona o zdravstvenoj zaštiti ("Službene novine Federacije BiH", broj 29/97) i člana 3. Statutarne odluke o organizaciji vlasti općine Zavidovići ("Službeni glasnik općine Zavidovići", broj 4/95), Općinsko vijeće Zavidovići na 10. sjednici održanoj 30.7.1998. godine, donijelo je

O D L U K U

o davanju saglasnosti na Statut
JU "Dom zdravlja" Zavidovići

I

Daje se saglasnost na Statut JU "Dom zdravlja" Zavidovići kojeg je usvojio Upravni odbor na 2. sjednici održanoj dana 3.7.1998.godine.

II

Odluka stupa na snagu danom donošenja, a ima se objaviti u "Službenom glasniku općine Zavidovići."

OPĆINA ZAVIDOVIĆI

- OPĆINSKO VIJEĆE -

Broj: 01-023-45

Datum, 30.7.1998.godine

PREDSJEDAVAJUĆI
OPĆINSKOG VIJEĆA

Doc.dr Refik Čatić, s.r.

Na osnovu člana 46. stav 1. Poslovnika Općinskog vijeća Zavidovići, Općinsko vijeće na 10. sjednici od 30.7.1998.godine, donijelo je

PROGRAM RADA

Općinskog vijeća Zavidovići za period juli-decembar
1998.godine

Općinsko vijeće Zavidovići će u periodu juli-decembar 1998.godine planirati razmatranje slijedećih materijala:

1. Statut općine Zavidovići
Obradivač: Služba Općinskog vijeća,
R o k: Nakon usvajanja Zakona o lokalnoj samoupravi
2. Odluka o organizaciji i djelokrugu općinskih službi,
Obradivač: Služba Općinskog vijeća,
R o k: septembar,
3. Pravilnik o sistematizaciji radnih mjesta općinskih službi,
Obradivač: Služba Općinskog vijeća,
R o k: septembar,
4. Nacrt Budžeta općine Zavidovići za 1999.godinu,
Obradivač: Općinski sekretarijat za društvene djelatnosti
i opću upravu,
R o k: novembar
5. Budžet općine Zavidovići za 1999.godinu,
Obradivač: Općinski sekretarijat za društvene djelatnosti
i opću upravu,
R o k: decembar
6. Odluka o izvršenju Budžeta općine Zavidovići za 1999.godinu,
Obradivač: Općinski sekretarijat za društvene djelatnosti
i opću upravu,
R o k: decembar
7. Nacrt programa Općinskog vijeća Zavidovići za 1999.godinu,
Obradivač: Služba Općinskog vijeća,
R o k: novembar,
8. Program rada Općinskog vijeća Zavidovići za 1999.godinu,
Obradivač: Služba Općinskog vijeća,

- 700 -

9. Informacija o stanju grijanja na području općine koje pruža JKP "Radnik",
Obradivač: Općinski sekretarijat za privredne djelatnosti
i JKP "Radnik" Zavidovići,
R o k: avgust
10. Informacija o razvoju privrede u privatnoj svojini sa prijedlogom mjera u ovoj oblasti,
Obradivač: Općinski sekretarijat za privredne djelatnosti,
R o k: septembar
11. Informacija o stanju šumskog fonda na području općine
Obradivač: Općinski sekretarijat za privredne djelatnosti,
R o k: oktobar
12. Informacija o primjeni Zakona o vodama sa posebnim osvrtom na obaveze općine,
Obradivač: Općinski sekretarijat za privredne djelatnosti,
R o k: oktobar,
13. Informacija o primjeni Zakona o mjerama za unapređenje stočarstva sa posebnim osvrtom na obaveze općine,
Obradivač: Općinski sekretarijat za privredne djelatnosti,
R o k: oktobar,
14. Nacrt odluke o izmjenama i dopunama Odluke o bezbjednosti saobraćaja na putevima općine Zavidovići,
Obradivač: Općinski sekretarijat za privredne djelatnosti,
R o k: juli,
15. Odluka o izmjenama i dopunama Odluke o bezbjednosti saobraćaja na putevima općine Zavidovići,
Obradivač: Općinski sekretarijat za privredne djelatnosti,
R o k: avgust,
16. Program rada Općinskog vijeća Zavidovići za juli-decembar 1998.godine,
Obradivač: Služba Općinskog vijeća
R o k: avgust,
17. Informacija o problematici ratnih vojnih invalida, porodica šehida i poginulih boraca i demobilisanih nezaposlenih pripadnika Armije BiH,
Obradivač: Općinski sekretarijat za boračko-invalidsku zaštitu, raseljena lica i izbjeglice,
R o k: juli
18. Izvještaj o uspjehu i vladanju učenika za drugo polugodište školske 1997/98.godine,
Obradivač: Općinski sekretarijat za društvene djelatnosti
i opću upravu
R o k: septembar

19. Odluka o određivanju i obilježavanju značajnih datuma i događaja iz odbrambeno oslobodilačkog rata u općini Zavidovići,
Obradivač: Općinski sekretarijat za društvene djelatnosti i opću upravu i Općinski sekretarijat za boračko-invalidsku zaštitu, raseljena lica i izbjeglice,
R o k: juli
20. Odluka o visini naknade za zaštitu životne sredine od motornih vozila i načinu upotrebe sredstava,
Obradivač: Općinski sekretarijat za društvene djelatnosti i opću upravu,
R o k: juli,
21. Odluka o osnivanju Općinskog pravobranilaštva,
Obradivač: Služba Općinskog vijeća,
R o k: juli,
22. Odluka o ustanovljenju i dodjeli Spomen plakete općine Zavidovići
Obradivač: Služba Općinskog vijeća,
R o k: juli,
23. Odluka o usvajanju Regulacionog plana naselja "Centar I",
Obradivač: Općinski sekretarijat za privredne djelatnosti,
R o k: juli,
24. Odluka o sprovođenju Regulacionog plana naselja "Centar I",
Obradivač: Općinski sekretarijat za privredne djelatnosti,
R o k: juli,
25. Informacija o provođenju Odluke o javnom redu i miru,
Obradivač: Općinski sud za prekršaje,
R o k: oktobar,
26. Izvještaj o stanju ljudskih prava na području općine,
Obradivač: Radna grupa Vijeća,
R o k: oktobar,
27. Informacija o provođenju Zakona o prodaji stanova na kojima postoji stanarsko pravo,
Obradivač: Općinsko pravobranilaštvo,
R o k: oktobar,
28. Informacija o provođenju Zakona o prestanku primjene Zakona o napuštenim stanovima na području općine,
Obradivač: Općinski sekretarijat za privredne djelatnosti,
R o k: oktobar,
29. Informacija o primjeni Zakona o prestanku primjene Zakona o privremeno napuštenim nekretninama u svojini građana,
Obradivač: Općinska uprava za geodetske poslove i katastar nekretnina,
R o k: oktobar,

- 702 -

30. Izvještaj Općinskog načelnika o rješavanju upravnih stvari u upravnom postupku svih općinskih službi za period januar-novembar 1998.godine, sa prijedlogom mjera,

Obradivač: Općinski sekretarijat za društvene djelatnosti i opću upravu i Služba Općinskog vijeća,

R o k: decembar

31. Informacija o provođenju Odluke o komunalnom redu i sanitarnom minimumu,

Obradivač: Općinski sekretarijat za privredne djelatnosti,

R o k: decembar,

32. Regulacioni plan naselja "Centar II",

Obradivač: Općinski sekretarijat za privredne djelatnosti,

R o k: decembar,

33. Informacija o stanju seoskih, gradskih i prigradskih objekata komunalne infrastrukture (vodovodi, kanalizacija, putevi, mostovi, PTT, javna rasvjeta),

Obradivač: Općinski sekretarijat za privredne djelatnosti,

R o k: novembar,

34. Informacija o plasmanu sredstava međunarodnih organizacija u postupku obnove općine,

Obradivač: Općinski sekretarijat za privredne djelatnosti,

R o k: decembar,

35. Odluka o dodjeli Spomen plakete,

Obradivač: Komisija za odlikovanja i javna priznanja,

R o k: septembar,

36. Izvještaj o izvršenju Budžeta općine Zavidovići za 1998.godinu, za prvi devet mjeseci 1998.godine,

Obradivač: Općinski sekretarijat za društvene djelatnosti i opću upravu,

R o k: oktobar,

Pored naznačenih poslova u ovom Programu, Vijeće će razmatrati i odlučivati i o drugim pitanjima i donositi propise kada je to određeno zakonom, odnosno kada se ukaže potreba da se razmatra određena problematika ili donese odgovarajući propis.

Obradivači materijala dužni su, prilikom obrade materijala iz ovog Programa, obezbijediti aktivno učešće stručnih institucija u čiji djelokrug spada problematika tih materijala.

Obradivači materijala su dužni da prilikom pripremanja materijala ostvaruju saradnju sa nadležnim tijelima Vijeća.

Program objaviti u "Službenom glasniku općine Zavidovići."

OPĆINA ZAVIDOVIĆI

- OPĆINSKO VIJEĆE -

Broj: 01-012-27

Datum, 30.7.1998.godine

PREDSJEDAVAJUĆI
OPĆINSKOG VIJEĆA

Doc.dr Refik Ćatić, s.r.

Na osnovu člana 96. stav 1. alineja prva Poslovnika Općinskog vijeća Zavidovići, Općinsko vijeće Zavidovići na 10. sjednici od 30.7.1998.godine razmotrilo je Prijedlog zaključka po Informaciji o problematici ratnih vojnih invalida, porodica šehida i poginulih boraca i demobilisanih pripadnika Armije RBiH, pa je nakon rasprave, datih mišljenja i sugestija, donio

ZAKLJUČAK

1. Prihvata se Informacija o problematici ratnih vojnih invalida, porodica šehida i poginulih boraca i demobilisanih pripadnika Armije RBiH.

2. Općinsko vijeće konstatuje da su organizacije iz Informacije svoja materijalna prava ostvarila na tri načina, i to:

- prvi, na način propisan zakonima Federacije Bosne i Hercegovine, Zeničko-dobojskog kantona i općine Zavidovići,

- drugi, na način iz donacija međunarodnih organa i organizacija

1 - treći, iz sredstava koja općina obezbjeđuje u budžetu općine i iz sredstava koja je ovo Vijeće obezbijedilo donošenjem Odluke o osnivanju Fonda za prikupljanje sredstava za boračke populacije i sa ciljanom namjenom tih sredstava.

3. Općinsko vijeće zahtijeva od svih pravnih i fizičkih lica na području općine, da u skladu sa Zakonom o radnim odnosima i zakonom o osnovnim pravima iz radnog odnosa (preuzet kao propis BiH) u opća akta o radnim odnosima ugrade kriterije o zasnivanju radnog odnosa ratnih vojnih invalida, članova porodica šehida i poginulih boraca, nezaposlenih demobilisanih boraca, a koji su kriteriji ranije dostavljeni preduzećima, te razrade kriterije za stipendiranje daka i studenata ovih populacija koji će im omogućiti prednost u dobijanju stipendija.

U cilju realizacije ove tačke zahtijeva se od Općinskog načelnika da putem nadležne inspekcije za rad i radne odnose, prati realizaciju ovog zaključka i tromjesečno informiše ovo Vijeće o inspekcijskom nadzoru i o preduzetim mjerama protiv preduzeća i odgovornih lica, u skladu sa zakonom.

4. Općinsko vijeće zadužuje Općinskog načelnika i Službu za pitanja boračko-invalidske zaštite da blagovremenim inicijativama i prijedlozima pokrenu postupke, samostalno ili putem ovog vijeća, za izmjenu ili dopunu postojećih zakona iz ove oblasti, sve u cilju poboljšanja stanja Udruženja ratnih vojnih invalida, Organizacije članova porodica šehida i poginulih boraca i demobilisanih boraca.

5. Kada se radi o stambenoj problematici, Vijeće ocjenjuje na osnovu iznijetih podataka u Informaciji, da se u rješavanju stambene problematike mora polaziti od primjene Zakona o stambenim odnosima, Zakona o otkupu stanova na kojima postoji stanarsko pravo i zakona o prestanku primjene Zakona o napuštenim stanovima.

Vijeće će nakon 4.10.1998.godine (vrijeme do kojeg nosioci stanarskog prava mogu podnijeti zahtjev za vraćanje stana u posjed), sagledati stanje sa kojim brojem stanova mogu raspolagati vlasnici stanova i po tom tražiti optimalna rješenja za rješavanje stambene problematike članova ovih udruženja. S tim u vezi, Vijeće zahtijeva od Općinskog načelnika da po isteku roka iz predhodnog stava, dostavi Vijeću prijedlog mjera za rješavanje stambene problematike članova ovih udruženja, u skladu sa zakonom.

6. Prilikom obnove stambenog fonda u svojini građana, Vijeće traži od Općinskog načelnika da u proces obnove još više budu uključeni članovi ovih udruženja, a prema uslovima i kriterijima koje postavljaju međunarodne humanitarne organizacije.

7. Obzirom na primjenu Zakona o privatizaciji preduzeća, Vijeće sugerise udruženjima RVI, Organizaciji porodica šehida i poginulih boraca i Udruženju JOB da u okviru svojih udruženja, a uz pomoć stručnih kadrova iz općine, organizuju i provedu postupak priprema za privatizaciju preduzeća.

8. Zadužuje se Općinski načelnik da, kod provođenja Odluke o određivanju i obilježavanju značajnih datuma i događaja iz odbrambeno oslobodilačkog rata na općini Zavidovići, prilikom usvajanja programa za narednu godinu o obilježavanju značajnih datuma i događaja, obavezno da sastavni dio programa budu i aktivnosti na uređenju mjesta gdje su sahranjeni šehidi i poginulih borci kao i izgradnji spomen obilježja na određenim lokacijama.

9. Vijeće poziva sve odgovorne u preduzećima i javnim ustanovama, sve zaposlene, da u svim kontaktima sa članovima Udruženja ratnih vojnih invalida, članova porodica šehida i poginulih boraca, nezaposlenih demobilisanih boraca, iskažu visoki kulturni nivo ophođenja za ovim populacijama uz istovremeno međusobno uvažavanje.

10. Zadužuje se Općinski načelnik, da u okviru prava i obaveza općine, ponudi Vijeću mogućnost oslobađanja poreza i doprinosa ili drugih obaveza za one poslodavce koji prime u radni odnos članove Udruženja ratnih vojnih invalida, članova porodica šehida i poginulih boraca i udruženja JOB.

11. U provođenju kadrovske politike, Vijeće zahtijeva od svih ovlašćenih subjekata u vodenju te politike, da u okviru stručne spremlje i posebnih uslova obavljaju poslove i zadatke radnog mjesta, vode računa o licima koji su bili pripadnici ARBiH, te da kod jednakih uslova više kandidata, prednost daju članovima ovih populacija.

12. Zaključak stupa na snagu danom usvajanja.

OPĆINA ZAVIDOVIĆI

- OPĆINSKO VIJEĆE -

Broj: 01-56-31/98

Datum, 30.7.1998.godine

PREDSJEDAVAJUĆI
OPĆINSKOG VIJEĆA

Doc.dr Refik Čatić, s.r.

II - AKTI OPĆINSKOG NAČELNIKA

- 705 -

Na osnovu člana 5. Statuta općine Zavidovići ("Službeni glasnik općine Zavidovići", broj 1/98), načelnik općine Zavidovići, donio je

R J E Š E N J E

o imenovanju Komisije za utvrđivanje metoda i načina dodjele
neizgrađenog gradskog građevinskog zemljišta

Imenuje se Komisija koja će utvrditi metode, načine dodjele i kriterije za dodjelu neizgrađenog gradskog građevinskog zemljišta radi izgradnje industrijskih i drugim privrednih objekata u sastavu:

1. KATARDŽIĆ HAJRUDIN - predsjednik,
2. SINANOVIĆ REMZO - član,
3. ŠIBONJIĆ MUHAMED - član,
4. DEDIĆ MIRSAD - član,
5. ŠOGOLJ REMZO - član,
6. ĐELMIĆ ERNES - član,
7. BAJRIĆ SUAD - član,
8. MEHIĆ KAZAFER - član

Komisija iz prethodnog stava je dužna da precizno utvrdi zadatke i rokove za njihovo izvršenje.

Ovo rješenje stupa na snagu danom donošenja, a objavit će se u "Službenom glasniku općine Zavidovići".

OPĆINA ZAVIDOVIĆI

Broj: 01-111-36

Datum, 21.7.1998.godine

N A Č E L N I K
OPĆINE ZAVIDOVIĆI

Husein Zilkić, dipl.ing.maš.,s.r.

Na osnovu člana 4a. Odluke o utvrđivanju koeficijenta položajne pogodnosti stana ("Službene novine ZE-DO kantona", broj 1/98) i člana 5. Statuta općine Zavidovići ("Službeni glasnik općine Zavidovići", broj 1/98), Općinski načelnik Zavidovići dana 24.7.1998.godine, donio je

Z A K L J U Č A K

I

Granice zona iz člana 3. i 4. Odluke o utvrđivanju koeficijenta položajne pogodnosti ("Službene novine ZE-DO kantona", broj 1/98) (u daljem tekstu: Odluka), utvrđuju se tako da postojeće građevinske zone usvojene Odlukom o određivanju zona ("Službeni glasnik općine Zavidovići", broj 4/96), se prilagodavaju zonama odluke ZE-DO kantona i to na slijedeći način:

- I "A" zona - odgovara II zoni Odluke ZE-DO kantona,
- II "B" zona - odgovara III zoni Odluke ZE-DO kantona,
- II zona - odgovara IV zoni Odluke ZE-DO kantona,
- III zona i izvan urbanog dijela grada - odgovara IV zoni Odluke.

II

Stanovi koji se nalaze u objektima montažne izgradnje tretirat će se kao da pripadaju III zoni.

III

Zaključak stupa na snagu danom donošenja, a naknadno će se objaviti u Službenom glasniku općine Zavidovići.

Broj: 01-023-46
Datum, 24.7.1998.godine

OPĆINSKI NAČELNIK ZAVIDOVIĆI
Husein Zilkić, dipl.ing.maš.,s.r.

O b r a z l o ž e n j e

Odlukom o utvrđivanju koeficijenta položajne pogodnosti ("Službene novine ZE-DO kantona", broj 1/98) u članu 4a. je propisano da se granice zona utvrđuju aktom načelnika općine.

Prilikom utvrđivanja granica zona nastojali smo prilagoditi zone koje su propisane Odlukom o zonama ("Službeni glasnik općine Zavidovići", broj 1/98), sa zonama Odluke ZE-DO kantona.

Shodno tome je utvrđeno da i zona Odluke ZE-DO kantona nije prihvatljiva iz razloga što postoji mišljenje da je potrebno stvoriti razliku između položajne pogodnosti stana u centru Zenice i položajne pogodnosti stana u centru Zavidovići.

Što se tiče naše II i III zone kao i izvan urbanog područja grada, utvrđeno je da je to uglavnom zona individualnog stanovanja i zona sa montažnom izgradnjom, što nas je i rukovalo za prijedlog najnižeg mogućeg koeficijenta položajne pogodnosti stana.

Obzirom na gore izloženo, predlaže se Općinskom načelniku da donese zaključak u predloženom tekstu.

S E K R E T A R

Šibonjić Muhamed, di 1 • • •

- 707 -

Na osnovu člana 77. stav 4. Odluke o građevinskom zemljištu ("Službeni glasnik općine Zavidovići", broj 11/89 i 2/97) i člana 5. Statuta općine Zavidovići ("Službeni glasnik općine Zavidovići", broj 1/98), Općinski načelnik Zavidovići, dana 24.7.1998.godine, donio je

Z A K L J U Č A K

I

Vrijednost boda na osnovu kojeg se utvrđuje visina naknade za korištenje gradskog građevinskog zemljišta u skladu sa Odlukom o građevinskom zemljištu utvrđuje se u iznosu:

- za sve vrste prostora 0,002 KM

II

Zaključak stupa na snagu danom donošenja, a naknadno će biti objavljen u Službenom glasniku općine Zavidovići.

OPĆINA ZAVIDOVIĆI

Broj: 01-475-22

Datum, 24.7.1998.godine

OPĆINSKI NAČELNIK
Z A V I D O V I Ć I

Husein Zilkić, dipl.ing.maš.,s.r.

O b r a z l o ž e n j e

Odlukom o građevinskom zemljištu ("Službeni glasnik općine Zavidovići, broj 11/89 i 2/97) u članu 77. stav 4. propisano je da vrijednost boda utvrđuje Općinski načelnik na prijedlog općinskog organa uprave nadležnog za stambeno-komunalne poslove.

Istom ovom odlukom određena je visina naknade za korištenje građevinskog zemljišta po jedinici mjere korisne površine izražene u bodovima po zonama i vrstama objekta.

Visina naknade izračunava se množenjem broja bodova po jedinici mjere korisne površine i vrijednosti boda za tu vrstu prostora.

Ratnim stanjem i ukidanjem SIŽ-a za stambeno-komunalnu oblast preostala je i naplata naknade za korištenje gradskog građevinskog zemljišta, te je tako postao i jedan od najsigurnijih izvora finansiranja.

Obzirom na to da bi se stvorili ponovo uslovi za vršenje naplate naknade za korištenje građevinskog zemljišta bilo je neophodno utvrditi vrijednost boda kao osnove po kojoj se utvrđuje visina ove naknade i da bi se mogla ostvariti neophodna sredstva, koja bi se u skladu sa utvrđenim planom realizovala u toku godine. Tim sredstvima rješavali bi se infrastrukturni problemi grada kao npr. (izgradnja dijelova gradskih ulica, izgradnja trotoara, izrada novih pristupnih ulica dijelovima koji nisu izgrađeni, a podpadaju pod gradsko zemljište itd.).

Zbog svega izloženog, predlaže se Općinskom načelniku da donese zaključak u predloženom tekstu.

Prema prijedlogu ovog zaključka o utvrđivanju vrijednosti boda za-
duženje po 1 m² ovisno o vrsti prostora i zoni u kojoj se nalazi prostor izno-
sila bi:

A) STAMBENI PROSTOR:

ZONE	BROJ BODOVA		VRIJEDNOST BODA		1 m ²
1. Prva "A" zona	40	x	0,002	=	0,08 KM
2. Prva "B" zona	30	x	0,002	=	0,06 KM
3. Druga zona	20	x	0,002	=	0,04 KM
4. Treća zona	10	x	0,002	=	0,02 KM

B) INDUSTRIJSKO-SAOBRAĆAJNI PROSTOR:

1. Prva "A" zona	60	x	0,002	=	0,12 KM
2. Prva "B" zona	40	x	0,002	=	0,08 KM
3. Druga zona	30	x	0,002	=	0,06 KM
4. Treća zona	20	x	0,002	=	0,04 KM

C) POSLOVNI PROSTOR RAZVRSTAN PO GRUPAMA DJELATNOSTI
(tabelarni prikaz Odluke)

I - Vrsta djelatnosti

1. Prva "A" zona	500	x	0,002	=	1 KM
2. Prva "B" zona	400	x	0,002	=	0,8 KM
3. Druga zona	200	x	0,002	=	0,4 KM
4. Treća zona	100	x	0,002	=	0 M

- 709 -

II - VRSTA DJELATNOSTI	BROJ BODOVA		VRIJEDNOST BOBA		1 m
1. Prva "A" zona	350	x	0,002	=	0,7 K
2. Prva "B" zona	210	x	0,002	=	0,42
3. Druga zona	150	x	0,002	=	0,3 K
4. Treća zona	80	x	0,002	=	0,16

III - VRSTA DJELATNOSTI					
1. Prva "A" zona	200	x	0,002	=	0,4 K
2. Prva "B" zona	150	x	0,002	=	0,3
3. Druga zona	100	x	0,002	=	0,2 K
4. Treća zona	50	x	0,002	=	0,1 K

S E K R E T A R

Šibonjić Muhamed, dipl.prav., s.r.

S A D R Ž A J

Strana

I - AKTI OPĆINSKOG VIJEĆA

1. ODLUKA o određivanju i obilježavanju značajnih datuma i događaja iz odbrambeno-oslobodilačkog rata u općini Zavidovići	689
2. ODLUKA o grbu i zastavi općine Zavidovići	692
3. ODLUKA o izmjenama i dopunama Odluke o bezbjednosti saobraćaja na putevima općine Zavidovići	693
4. ODLUKA o davanju saglasnosti na zaključak Općinskog načelnika o utvrđivanju vrijednosti boda za finansiranje komunalne zajedničke potrošnje	695
5. ZAKLJUČAK	696
6. ODLUKA o davanju saglasnosti na Statut JU "Dom zdravlja" Zavidovići	698
7. PROGRAM RADA Općinskog vijeća Zavidovići za period juli-decembar 1998.godine	699
8. ZAKLJUČAK po Informaciji o problematici ratnih vojnih invalida, porodica šehida i poginulih boraca i demobilisanih pripadnika Armije RBiH	703

II - AKTI OPĆINSKOG NAČELNIKA

1. RJEŠENJE o imenovanju Komisije za utvrđivanje metoda i načina dodjele neizgrađenog gradskog građevinskog zemljišta	705
2. ZAKLJUČAK o utvrđivanju koeficijenta položaja pogodnosti stana	706
3. ZAKLJUČAK	707